

## Covid-19/11 – Infurmaziun dals 31 d'avust 2020

### Fatg cun success las proceduras da qualificaziun 2020 – in grond grazia fitg a tut ils participads

**En Svizra han las emprendistas ed ils emprendists pudì acquistar er l'onn 2020 – malgrà cundiziuns pli difficilas – in diplom professiunal cumplain reconuschì sin il martgà da lavur. Quai è stà pussaivel grazia a las stentas cuminaivlas da tut las parts participadas en ils chantuns, en las organisaziuns dal mund da lavur e tar la Confederaziun. Il gremi directiv «Furmaziun professiunala 2030» tira ina bilantscha generala positiva davart la realisaziun da las proceduras da qualificaziun. El engrazia a tut las parts participadas per lur grond engaschament ed en spezial er a la grupp da lavur Proceduras da qualificaziun.**

Sut la direcziun dal gremi directiv «Furmaziun professiunala 2030» (SEFRI, Conferenza svizra dals uffizis per la furmaziun professiunala, Uniun svizra da las patronas e dals patrons, Uniun svizra d'artisanadi e mastergn, Uniun sindacala svizra e Travail.Suisse) aveva ina grupp da lavur elavurà la primavaira 2020 ina proposta da soluziun per realisar las proceduras da qualificaziun da quest onn, redigi ils documents respectivs e definì ils process correspundents. Sin questa basa ch'è vegnida elavurada cuminaivlamain da tut ils partenaris ha il Cussegl federal pudì metter en vigur l'ordinaziun correspundenta ils 16 d'avrigl 2020.

#### **Bilantscha generala positiva**

En 194 professiuns èn las cumpetenzas professiunalas praticas vegnidas giuditgadas en furma d'ina lavur pratica (varianta 1 e 2). En 39 furmaziuns fundamentalas professiunalas, da las qualas fan part professiuns cun bleras emprendistas ed emprendists, è quest giudicament vegnì fatg dals manaschis d'emprendissadi (varianta 3). Sa basond sin in'enquista tar ils uffizis chantunals da furmaziun professiunala ch'è vegnida fatga en il rom da la retschertga mensila da la task force «Perspectiva emprendissadi 2020» sco er sin basa dals resuns davart da las organisaziuns dal mund da lavur sa preschenta la bilantscha generala en moda positiva. En spezial pon vegnir numnads ils suandants puncts:

- Ils examens pratics han pudì vegnir realisads en tut la Svizra per la fitg gronda part uschia sco che quai è vegnì dumandà da las organisaziuns dal mund da lavur. Il chantun Tessin aveva dumandà excepziuns per 37 professiuns, il chantun Vad per 42, il chantun Genevra per 8, ils chantuns Turitg e Neuchâtel mintgamai per 3, sco er ils chantuns Vallais e Giura ed il Giura bernais mintgamai per 2.
- En la Svizra tudestga avessan differentas organisaziuns dal mund da lavur chantunals realisà examens pratics, quai che n'è però betg stà previs sin plaun naziunal.

- La collavuraziun tranter ils chantuns e las organisaziuns dal mund da lavur è vegnida validada tut en tut sco positiva. En spezial è sa mussada la voluntad, da pudair pussibilitar als giuvenils d'acquistar in diplom professiunal cumplain er l'onn 2020.
- Cun success è er vegnì realisà il giudicament tras ils manaschis d'emprendissadi (variante 3). Organisatoricamain ha la realisaziun chaschunà lavur supplementara tant per ils chantuns sco er per ils manaschis ch'è però per regla vegnida dumagnada bain.
- En il sector da las personas creschidas èn mintgatant vegnids numnads problems cun la regulaziun per l'art. 32 da l'Ordinaziun davart la furmaziun professiunala. Uschia n'han examens betg anc pudì vegnir realisads (stadi dals 31 da fanadur 2020) u i ha dà differentas modas da proceder en ils chantuns.
- Ils chantuns avevan l'ocasiun da far recurs per motivs epidemiologics cunter las decisiuns da varianta dal SEFRI. Guardà en tut è vegnida applitgada la varianta tschernida dals purtaders en passa 90 pertschient dals examens finals d'emprendissadi. Las excepziuns chantunalas han pertutgà 19 giadas la varianta 1, 4 giadas la varianta 1 e 2 sco er 37 giadas la varianta 2. Il SEFRI aveva approvà per gronda part ils recurs dals chantuns e resguardà uschia las relaziuns chantunalas. Tenor l'ordinaziun dal Cussegl federal è la furmaziun pratica vegnida giuditgada en quests chantuns automaticamain dals manaschis d'emprendissadi (variante 3).

En vista a la realisaziun da las proceduras da qualificaziun 2021 vegn il gremi directiv «Furmaziun professiunala 2030» a trair las conclusiuns da las experientschas fatgas l'onn 2020, observar la situaziun e proponer ad ura eventualas mesiras.

En quest connex sa tracti da chattar soluziuns elavuradas cuminaivlamain da tut ils partenaris er en il sector da las personas creschidas.

#### **Tscherna tranter trais variantes da realisaziun – gronda impurtanza da la lavur pratica**

- En 75 furmaziuns fundamentalas professiunalas è la lavur pratica individuala (LPI) u la lavur pratica prescritta (LPP) vegnida realisada en il manaschi d'emprendissadi (variante 1).
- En 110 furmaziuns fundamentalas professiunalas è la lavur pratica prescritta vegnida realisada en moda centrala (variante 2).
- En 9 furmaziuns fundamentalas professiunalas è la varianta 1 e 2 vegnida realisada sco che quai è stà previs da las ordinaziuns respectivas davart la furmaziun fundamentala professiunala.
- En 39 furmaziuns fundamentalas professiunalas è la furmaziun pratica vegnida giuditgada dals manaschis d'emprendissadi (variante 3). Latiers tutgavan las furmaziuns fundamentalas professiunalas cun bleras emprendistas e blers emprendists sco per exempel professiuns dals fatgs da sanadad e da tgira sco er la furmaziun fundamentala mercantila u il commerzi en detagl.
- En 11 furmaziuns fundamentalas professiunalas n'hai dà naginas proceduras da qualificaziun l'onn 2020. En quest connex sa tracti oravant tut da professiuns che n'han actualmain naginas emprendistas ed emprendists, nua che las emprendistas ed ils emprendists vegnan scolads a l'exteriur u nua che naginas emprendistas e nagins emprendists n'èn s'annunziads per ils examens finals.

#### **Adressatas ed adressats**

- chantuns (uffizis da furmaziun professiunala)
- scolas professiunalas spezializadas e lavuratoris d'emprendissadi (via chantuns)
- maisa radunda da las scolas professiunalas (via CSFP)
- manaschis d'emprendissadi (via chantuns)
- centers da curs intermanaschials (Ci) (via chantuns)
- purtaders da la furmaziun fundamentala professiunala e da la furmaziun professiunala superiura (via SEFRI e federaziuns da tetg)